

Nr. i prot. 26
Br. prot. 20.01.2020

Datë/Datum/Date:	20.01.2020
Referenc-ë	
CC	
Për/Za/To:	
Nga/Od/From:	Samir Mustafa, Drejtor për Shëndetësi dhe Përkujdesje Sociale në Rahovec
Subjekti/Predmet/Subject:	Raporti i punës, për vitin 2019

Drejtoria për Shëndetësi dhe Përkujdesje Sociale, gjatë vitit 2019 ka zhvilluar aktivitetet e saj në të gjitha fushat e veprimtarisë, me qëllim të rritjes së cilësisë të shërbimeve të kujdesit shëndetësor si dhe ngritjes së përgjithshme të cilësisë së jetës së qytetarëve të komunës, përfshirë këtu edhe mbështetjen në fushat e shërbimeve sociale dhe më gjerë.

Fushë veprimtaria e Drejtorisë për Shëndetësi dhe Mirëqenie Sociale është e bazuar në aktet normative në fuqi dhe në Planin e Punës për vitin 2019, ky raport përfshin në mënyrë gjithpërfshirëse shërbimet e ofruara në fushën e kujdesit parësor shëndetësor si dhe atë të veprimtarisë sociale, të arriturat dhe vështirësitë e hasura gjatë kësaj periudhe kohore.

Tremujori i parë: janar, shkurt, mars

DSHMS qysh në fillim të vitit 2019 ka zhvilluar aktivitete të shumta, në kuadër të përgjegjësi të përshkuara, kemi realizuar gjithë aktivitetet e planifikuara, janë mbështetur projektet në të gjitha fushat e veprimtarisë shëndetësi dhe mirëqenie sociale.

Në kuadër të bashkëpunimit me organizata të ndryshme qeveritare dhe joqeveritare, është rritur bashkëpunimi në shumë fusha, për të formësuar këtë bashkëpunim nga ana e Kryetarit të Komunës është nënshkruar marrëveshja me "CARITAS KOSOVA" për ofrimin e shërbimeve mjekësore - programi "Home Care- Kujdesi Shtëpiak" për persona në nevojë, persona në regjim shtrati, ku janë angazhuar 48 punëtorë shëndetësor, dhe në bashkëpunim me DKA-në kemi angazhuar edhe 5 pedagogë dhe psikologë. Për dallim nga herat e tjera, kjo marrëveshje është zhvilluar me procedurë të prokurimit, pas vërejtjeve të dhëna nga Auditori Gjeneral, pasi që më herët kjo marrëveshje është nënshkruar vetëm me negocim.

Edhe gjatë kësaj periudhe raportuese ka vazhduar ofrimi i shërbimeve mjekësore në dy ndërrime në dy QMF-të, në Krushë të Madhe dhe Ratkoc, shërbimet mjekësore me dy ndërrime tanimë janë të përhershme.

Në fshatrat Dejnë dhe Ratkoc është shënuar përvjetori i dhurimit vullnetar të gjakut, poashtu dhurimi vullnetar i gjakut ka vazhduar edhe në fshatrat: Krushë e Madhe, Vrajakë dhe Dobidol.

Në të gjitha shkollat e komunës së Rahovecit janë mbajtur ligjërata për vetëdijesimin e popullatës kundër pickimit të rriqrave.

Tremujori i dytë: prill, maj, qershor

Brenda këtij viti është arritur të bëhet edhe avancimi i shërbimeve diagnostike, tanimë kemi të angazhuar specialist të biokimisë në laborator, po ashtu në radiologji kemi të angazhuar edhe specialist të Radiologjisë (Radiolog).

Gjatë kësaj periudhe raportuese është bërë edhe shpërndarja e mëtejme e shërbimeve, duke punësuar mjekë të përgjithshëm të rinj, dy stomatologë dhe një fizioterapeut, tani kemi stomatologë permanent në dy QMF-të, në Drenoc, dhe Fortesë, presim shumë shpejtë të angazhojmë stomatologë edhe në dy QMF të tjera, në Opterushë dhe Çifllak, poashtu kemi avancuar edhe në shërbimet për fizioterapeuti, që më herët nuk kemi pasur shërbime fizioterapeutike, kemi angazhuar fizioterapeut permanent në QKMF, e në të ardhmen shpresojmë që shërbimet e tilla të ofrojmë edhe në dy QMF-të, apo qendra më të mëdha, si në Ratkoc dhe Krushë të Madhe, të gjitha këto me synim kryesor ofrimin e shërbimeve sa më cilësore të kujdesit parësor shëndetësor dhe atyre të shëndetësisë publike të popullatës.

Kemi subvencionuar OJQ-të, që merren me veprimtaritë sociale, si shoqatat: "Hareja", "Hendikos" dhe shumë shoqata të tjera.

Të arriturat gjatë gjashtëmujorit të parë të vitit 2019: Me "CARITAS KOSOVA", është zhvilluar projekti "Home Care" që ka ndihmuar shumë në realizimin e vizitave shtëpiake, në mungesë të stafit brenda QKMF-së për të ofruar shërbime shëndetësore, ky projekt poashtu ka zbutur shumë edhe mungesën e vazhdueshme të stafit në QKMF.

Tremujori i tretë: korrik, gusht, shtator

Periudhën e tretë të vitit 2019 e ka karakterizuar furnizimi me vaksinat kundër gripit sezonal për të moshuarit, përcjellja e projekteve të investimeve kapitale në këtë tremujor, si dhe shpërndarja në mënyrë të drejtë e subvencioneve për ndihma momentale.

Me Shoqatën Bamiëse "Jetimat e Ballkanit" është nënshkruar Marrëveshje Bashkëfinancimi në lidhje me realizimin e projektit për ndërtimin e 8 shtëpive të familjeve me gjendje të rëndë sociale në komunën e Rahovecit, ku Komuna e Rahovecit ka participuar me 35.000€, projekti është realizuar gjatë vitit 2019 dhe tashmë ka përfunduar.

Tremujori i katërt: tetor, nëntor, dhjetor

Ne bashkëpunim me AQH-në, kemi hartuar Master Planin për Kujdesin Parësor Shëndetësor në Komunën e Rahovecit, për periudhën 2020 /2024, Master Plani për Kujdesin Parësor Shëndetësor, është miratuar edhe në Kuvendin Komunal të Rahovecit.

Fokus i periudhës së fundit të vitit ka qenë përcjellja e punimeve në investime kapitale, sigurisht se prioritet kryesor ishte realizimi i buxhetit, jemi kujdesur që punët e kryera të mbikëqyren dhe të shpenzohet buxheti në përpikëri.

Të arriturat gjatë gjashtëmujorit të dytë të vitit 2019: Në Çifllak, u bë përrurimi i fillimit të punimeve për ndërtimin e Qendrës së Mjekësisë Familjare! Ky projekt, që kap vlerën e 82,996 eurove është shumë i rëndësishëm për banorët e kësaj ane dhe qasjen e tyre më të lehtë në shëndetësi, si një sektor jetik për mirëqenien e qytetarëve.

Viti 2019 është karakterizuar me një buxhet të konsoliduar dhe me shpenzime racionale të tij por edhe me sfida e vështirësi.

Mirëqenia Sociale:

Në kuadër të aktiviteteve nga fusha e mirëqenies sociale janë zhvilluar aktivitetet e parapara nga kjo fushëveprimtari, sipas ligjeve dhe rregulloreve në fuqi. Komisionet kanë punuar vazhdimisht në terren për evidentimin e familjeve në kushte të rënda sociale, dhe këto nevoja janë adresuar vazhdimisht në Qeverinë e Kosovës, donatorë vendor dhe të huaj, janë kontaktuar shoqata të ndryshme dhe OJQ vendore dhe ndërkombëtare, është intervenuar në të gjitha rastet që është krijuar mundësia.

Qendra për Punë Sociale dhe Organi i Kujdestarisë në kuadër të saj, si organ komunal profesional kompetent për çështje sociale, përgjegjës për mbrojtjen e interesave të fëmijëve dhe të rriturve, i përbërë nga një grup ekspertësh, ka ndërmarrë të gjitha veprimet për ofrimin e ndihmës për personat në nevojë sociale, sipas procedurave të caktuara, në përputhje me mandatin ligjor.

Ecuria e realizimit të projekteve kapitale

- Ndërtimi i QKMF-së, faza e dytë dhe përfundimtare, projekti deri më tani është përfunduar 80%, besojmë që me ndihmën e Qeverisë së Kosovës, shumë shpejtë do të përfundojmë objektin e QKMF-së dhe Emergjencës;
- Dezinsektimi, Dezinfektim dhe Derratizimi- DDD – Janë bartur mjetet me ridestinim të Buxhetit për projektin Caritas Kosova;
- Ndërtimi i QMF-së në Çifllak- Në Çifllak, u bë përrurimi i fillimit të punimeve për ndërtimin e Qendrës së Mjekësisë Familjare! Ky projekt, kap vlerën prej 82,996 eurove;
- Dixhitalizimi i Rentgenit – Ka përfunduar si projekt;
- Renovimi i ndërtesës së QPS-së – Ka përfunduar si projekt;
- Ndërtimi i shtëpive dhe material ndërtimor për familjet në nevojë- Me Shoqatën Bamirëse "Jetimat e Ballkanit "është nënshkruar Marrëveshje Bashkëfinancimi në lidhje me realizimin e projektit për ndërtimin e 8 shtëpive të familjeve me gjendje të rëndë sociale në komunën e Rahovecit, ku Komuna e Rahovecit ka participuar me 35.000€, projekti është realizuar gjatë vitit 2019 dhe tashmë ka përfunduar.

Sfidat e DSHM-së:

- Sfidë edhe për vitin 2020 mbetet funksionalizimi dhe hapja e Repartit të Hemodializës, pasi që nuk është paraparë me kohë Njësia e Transfuzionit të Gjakut e cila do të shërbejë për nevojat e pacientëve në dializë, ne si DSHMS këtë njësi kemi në plan ta hapim në bashkëpunim me Transfuzionin Kombëtar të Gjakut ;
- Numër i pamjaftueshëm i stafit që reflekton në pamundësi të realizimit të plotë të disa shërbimeve shëndetësore.